



Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 145. Dissidia inter Electorum Legatos.

[urn:nbn:de:hbz:466:1-66615](#)

Et illaudati exempli, nec ullo modo Sæcul XVI.
 posset excusari: deliberatio etiam de A.C. 1546.
 inferendo Turcis bello, in hoc tempus
 est rejecta, sed anno superiori Galliæ
 Rex mibi nuntiavit, quod de induciis
 impetrandis sit spes, ad eamque rem
 procurandam suum studium & operam
 est pollicitus, & quia non ita pridem
 auxilia mibi dederunt Ordines, anno-
 na quoque multis in locis non respon-
 det exspectationi, visum mibi fuit,
 Germaniam esse nonnihil recreandam,
 ut, cum opus erit, tolerare sumptum
 possit: itaque per intercessionem Gal-
 liae Regis egi cum Turca, & unius
 anni pactus sum inducias: cum autem
 illæ jam ad finem Octobris exeant, &
 alioqui non uno modo violentur, sicut
 a Ferdinando Rege fratre meo accepi,
 & qui sit futurus eventus, non con-
 stet, omnino arbitror, futurum, ut
 cum res ita poscat, illud, quod de au-
 xiliis antea polliciti sunt, præstent:
 ego vicissim, quod ad tutandum impe-
 rium pertinet, nihil non sum collatu-
 rus & opis & consili:i.

§. CXLV.

Dissidia inter Electorum Legatos.

Verum hæc Cæsaris oratio adeo non Sleid. p. 582.
 Principes ad mutuam, ut moris
 erat,

Sæcul. XVI. erat, consultationem permovebat, ut
A.C. 1546. etiam inde novis inter se dissidiis colli-

derentur; Moguntini enim ac Trevi-
renses Legati, cum a Coloniensibus,
Palatinis, Saxonici & Brandenburgi-
bus secederent, seque Catholicis ad-
jungerent, re in deliberationem voca-
ta Concilium Tridentinum approba-
runt, Cæsaremque hortati sunt, ut il-
lud quoque tueretur, ac Protestant-
bus persuaderet, quatenus & ipsi illud
reciperent, & suos ad illud Legatos
mitterent, nec non sese illius Decre-
tis ac decisionibus submitterent: Vi-
cissim vero Protestantes a Cæsare pe-
tebant, ut firmam pacem, & æquale
utrinque jus constituat, ac Religionis
negotia in legitima totius Germaniæ
Synodo, vel in Imperii Comitiis, aut
denique in doctorum Theologorum
conventu dirimi permittat; Tridenti-
num enim Concilium, ajebant, non
esse illud, quod in Imperii Conventi-
bus saepius fuit promissum, ut proin
illud acceptari nulla spes superfit. Ve-
rum Imperator ad hæc effugia surdas
præbuit aures, tantamque in Frideri-
cum Saxonie Electorem indignatio-
nem concepit, ut eidem hæc suo no-
mine significari juberet: „Viro hone-
sto indignum est, quod nullam omni-

„ no

„no' habeat rationem tantæ sollicitudi- Sæc. XVI.
 „nis, qua Imperator generalis Conci- A.C. 1546.
 „lii celebrationem ideo urget, ut tandem
 „junctis viribus pax Ecclesiæ reddi pos-
 „set, minus vero Principem decet,
 „tam nequiter Cæsari, Imperio, atque
 „Ecclesiæ illudere. „ Nec hac con-
 tentus epistola Imperator, specialiter
 Baroni Krazelo Electoris Ministro ne-
 gotium dedit, ut ferme eadem Princi-
 pi suo perscriberet.

§. CXLVI.

*Cardinalis Tridentinus a Cæsare
Romam decretus.*

Percepta hac Cæsar's indignatione *Sleid. l.c.*

Protestantibus firmius adhuc infedit
 suspicio, quod bellum in eos adornaret;
 nec amplius de hoc Cæsar's proposito
 dubitabant, postquam eis nuntiatum
 erat, quod Carolus veredariis equis
 Cardinalem Tridentinum Romam ab-
 legasset, ut deplorandum summo Pon-
 tifici statum exponeret, in quo Religio
 Catholica in Germania cum summo di-
 scrimine versaretur, ni promptum ad-
 hibeatur remedium. Perceperant quo-
 que Protestantes, quod Imperator Bel-
 liduces ac tribunos, ut milites conscri-
 berent, cum pecunijis dimisisset, ac Ma-

xi-